

საგაზეთო

საქართველო
საგაზეთო

საერთოული გაზეთი ხუთშაბათი 2 თებერვალი 2006 №22 (2644)

ფასი 50 თეთრი

180-გრადუსიანი აგზაში



**წილისყრის
მერა:
ტოპმიოლერი
პარიზში
არ მიდის.
გუშინ:
ტოპმიოლერი
პარიზში
მიდის!**

წაგებანი და გაგებანი

ხიზანიშვილის ბლეჭვირნა
მანჩესტერზე უური იქია!
არსენალს ჩაქური მოხვდა!
ბარსელონა და იუვენტუსი:
ლიდერგაგებულები გააგდეს!



რონალდინიოს და „ბარსელონას“,
იბრაჰიმოვიჩს და „იუვენტუსს“ თასზე წითელი აუნთეს

ტოპიო თბილისში ჩამოსვლა იუარა პარიზში საქართველო ფარეშობისთვის იბრძობებს

კლაუს ტომპიოლერი 5 თებერვალს თბილისში აპირებდა ჩამოსვლას, რათა 7-ში და 9-ში საქართველო — აზერბაიჯანის ახალგაზრდულ ნაკრებთან ამხანაგური მატჩებისთვის მიეღვენებინა თვალი. როგორც ფედერაციის გენერალურმა მდივანმა უჩა უბლაკამ გვითხრა, საქართველოს ნაკრების მთავარმა მწვრთნელმა განრიგი შეცვალა...



კლაუს ტომპიოლერი

— ტომპიოლერმა პარიზში წამოსვლის სურვილი გამოთქვა და, ბუნებრივია, ჩვენ არაფერი გვაქვს საწინააღმდეგო. შესაბამისად, ის საქართველოს ახალგაზრდული ნაკრების შეხვედრებს ვერ დაესწრება და 9 თებერვალს გერმანიიდან პირდაპირ პარიზში ჩამოვა. 7 და 9 თებერვალს აზერბაიჯანელებთან მატჩებს მისი თანაშემწეები, რაფა მინგე და ჰანც ტომპიოლერი დაესწრებიან.

— ახლახან გვითხარით, ლიტველებთან ვილინუსში მატჩით გვსურს შესარჩევი ციკლის დაწყება...

— კარგი იქნებოდა, ლიტვასთან სტუმრობის მერე თბილისში ფარეშობა მიგველო. ვფიქრობ, ფარეშობის პირველ ტურებში შეხვედრისთვის პარიზში წამდგელი „წყვეტა“ იქნება. ენახოთ, რა გამოვა აქედან.

— საქართველოს ნაკრებთან შეხვედრისთვისაც ხომ არ არის მოსალოდნელი „წყვეტა“?

— არა მგონია...

— უკრაინელები პარიზში ერთი დღით გვიან აპირებენ ჩასვლას. რას უნდა ნიშნავდეს მათი პასიურობა?

— ამით ალბათ უნდათ გავარძნობინონ, ძალიან ძლიერები ვართ და კალენდარს გადაწყვეტ მნიშვნელობას არ ვანიჭებთო. პარიზში 9 თებერვალს ვიკრიბებით, სურკისი და ბლოხინი კი 10-ში აპირებენ ჩამოსვლას. მეორე სამუშაო დღეც იტალიელთა თხოვნით დავგვემეთ — ეგებ 9-ში ვერ შევთანხმდეთო. ასე რომ, თბილისში 11 თებერვალს დავბრუნდებით და მალტის ტურ-

ნისთვის მზადებას დავიწყებთ. — შეგიტყვევთ, რომ მალტაში ჩართვით გამგზავრება არ გამოდის...

— ჩარტერისთვის „ბონგის“ დაქირავება არ ხერხდება, საბჭოურ „ტუ“-ებს კი ვეროპის აეროპორტები აღარ იღებენ. მალტამდე მგზავრობა ალბათ რომელიმე ქვეყნის გავლით, სარეისო თვითმფრინავით მოგვიწევს. დელეგაციაში 30-მდე კაცი იქნება. ყველა დეტალი, მათ შორის ისიც, რომელი ლეგიონერი რომელ შეხვედრაში შეძლებს მონაწილეობას, ერთ-ორ დღეში გაირკვევა.

— მალტაზე ჩვენი მეტოქეების ვინაობა ცნობილია — მასპინძლები, მოლდოვა და ლიბია. 1 თებერვალს კი ტურნირის კენჭისყრა იგეგმება...

— ორგანიზატორებმა გვაცნობეს, რომ გარკვეული მიზეზების გამო კენჭისყრა ოთხი დღით გადაიდო, მატჩების თარიღები კი უცვლელი დარჩა — 25, 27 თებერვალი და 1 მარტი.

— მალტამდე ტექნიკური საონსორის შერჩევა თუ ესწრება?

— პარიზის შეხვედრამდე ერთი დღით ადრე გერმანიაში მომიწევს გამგზავრება. „პუმას“ და „აიდასის“ წარმომადგენლებს კიდევ ერთხელ დაველაპარაკები, მათ პირობებს გავეცნობით და თებერვლის შუა რიცხვებამდე გადაწყვეტილებას მივიღებთ.

— ამ დროისთვის არის ნავარაუდები გადაწყვეტილების მიღება ეროვნულ სტადიონთან დაკავშირებითაც. როგორ მიდის მოლაპარაკებები?

— ერთი რამის პირობას ვაძლევთ, რომ სექტემბრისთვის ეროვნულ სტადიონზეც და „მიხილ მე-სხზეც“ ახალი მინდორი დაიგება. 95 პროცენტით გადაწყვეტილია, რომ ამ დრომდე „ეროვნულზე“ სკამების მონტაჟიც მოესწრება.

— ხვალ ნოდარ ახალკაცი და კლაუს ტომპიოლერი გერმანიის საფეხბურთო კავშირის ხელმძღვანელებთან საქმიან სადღეში არიან მიწვეულნი. ეს შეხვედრა რაიმე კონკრეტულ მიზანს ისახავს?

— ასე ვთქვათ, საგარეო ურთიერთობებს დიდ მნიშვნელობას ვანიჭებთ. მარტო გერმანელებთან კი არა, სხვა ქვეყნის ფეხბურთის ფედერაციებთან თანამშრომლობაც გვინდა. პირველი, ვისთანაც თანამშრომლობის შესახებ ხელშეკრულებას გავაფორმებთ, თურქეთის ფედერაცია იქნება. ამის შემდეგ ანალოგიურ ურთიერთობებს ესენგვს ქვეყნებთან და სხვებთანაც დავამყარებთ. ხვალინდელი შეხვედრა ამ პოლიტიკის ერთ-ერთი ნაწილია.

გიორგი ნოზაძე

ერთი კვირას და, არგენტინა



იური გაბისკირია

ლი. ბორჯომელთა საგარეო მეტოქე პირველიველი „თბილისი 2“ იქნება, მატჩს კი პოლიტექნიკური უნივერსიტეტის მოედანი უმასპინძლებს.

არგენტინელი ლეგიონერების თემა „ბორჯომში“ კვლავაც აქტუალურია. როგორც გუნდის მთავარ-მწვრთნელმა იური გაბისკირიამ გვითხრა, კლუბის პრეზიდენტი ელაპარაკა არგენტინელთა წარმომადგენელს და ისინი თბილისში 8 თებერვალს იქნებიან. საგარეო ახალწვეულთა შესახებ მხოლოდ ისაა ცნობილი, რომ ერთი მათგანი ნახევარმცველია, მეორე კი თავდასხმელი.

სანამ „ბორჯომი“ სამხრეთამერიკულ შევსებას მიიღებს, საწვრთნელ პროცესს დაუბრუნდება რევას გეწამე. წელის ტკივილებით გამოწვეული იტულებითი პაუზა და მკურნალობის ციკლი „ბორჯომის“ ნახევარმცველმა უკან მოიტოვა.

გიორგი ნოზაძე



მასხარაშვილმა რკინიგზას პოლიტიქნიკური დაუთქვა

— უამინდობამ მზადების გეგმაში ცვლილებები შეგვატანინა. იტულებულნი გავხდით, ვარჯიში დარბაზში გავგვერძელებინა და ბოლო დღეებში ვერც საკონტროლო შეხვედრა გავმართეთ — გვითხრა „კახეთის“ მთავარმა მწვრთნელმა ვეშალი მასხარაშვილმა, როცა თელავში შევეხმიანეთ.

კახელთა სამხადისში უცვლელი ისაა, რომ საწვრთნელი პროცესი კვლავაც თელავში მიმდინარეობს, დელაქალაქს კი სპარინგებისთვის სტუმრობენ. უახლოესი შეხვედრა

გიორგი ნოზაძე

Table with sports results and news snippets. Columns include team names, scores, and dates. Includes sections like 'ინფორმაცია', 'გერმანია', 'საფრანგეთი', 'საბერძნეთი', 'ესპანეთი', 'პოლანდია', 'იტალია', 'უოტლანდია', 'თურქეთი', 'აშენაგური მატჩები', 'სელპურთი'.

ახალგაზრდულ ნაკრებს ახალი მწვრთნელი ეყოლება

საქართველოს ახალგაზრდული ნაკრები ახლა პორტუგალიაში შეკრებაზე და თბილისში 5 თებერვალს დაბრუნდება. სანდო კულუარული წყაროდან კი შევიტყვეთ, რომ საქართველოს ფეხბურთის ფედერაცია ახალგაზრდულ ნაკრებში მწვრთნელის შეცვლას აპირებს.

ჩვენს 21-წლამდელებს კობა ჟორჟიკაშვილი წვრთნის, ვინც იმავედროულად 19-წლამდელების და „ხესტაფონი 2“-ის მწვრთნელიცაა. ისიც გავიგეთ, რომ ფედერაციას უკვე ჰყავს რამდენიმე კანდიდატი ახალგაზრდული ნაკრების მთავარი მწვრთნელის პოსტზე.

ამ ყველაფერთან დაკავშირებით ოფიციალური ინფორმაციის მოპოვება ცვალებად და ფედერაციის ვებ-საიტზე ინფორმაცია არ ვეძებთ მივმართეთ...

ჩვენი ახალგაზრდული ნაკრების პორტუგალიურ ტურნირზე გამოსვლით უკმაყოფილო ვარ. მართალია, გუნდი უმცროსი ასაკის ფეხბურთელებით იყო დაკომპლექტებული,

მაგრამ ეს ვითარებას არ ცვლის. ფაქტია, რომ ახალგაზრდულ ნაკრებში სერიოზული სამუშაოები ჩასატარებელი. ვფიქრობ, ასე მიაჩნიათ ფედერაციის სხვა თანამშრომლებსაც — გვითხრა არველიძემ, ვისი კომენტარიდანაც შეგვიძლია ვივარაუდოთ, რომ კონფიდენციალური წყაროდან მოპოვებული ინფორმაცია სიმართლესთან ძალიან ახლოსაა.

და ვინ იქნება U21-ის ახალი თავკაცი? აქ სიტყვა ჩვენი უპირველესი გუნდის ხელმძღვანელმა კლავს ტომპიოლერმა უნდა თქვას — ის თბილისში 11 თებერვალს ჩამოვა. არც ის უნდა დავივიწყოთ, რომ პორტუგალიაში ახალგაზრდულ ნაკრებს ტომპიოლერის თანამშრომლები, რაფა მინგე და ჰაინც ტომპიოლერი ახლდნენ...

საქართველოს ახალგაზრდულ ნაკრებში პორტუგალიურ ტურნირზე სლოვაკეთთან და მასპინძლებთან, შესაბამისად, 1:3 და 1:4 წაგო.



კობა ჟორჟიკაშვილი

გაპაპახვილთი თბილისში მართვალ მსაჯობა ვიდოვლქეპებით

საქართველოს ფეხბურთის ფედერაციის სამსაჯო კომიტეტის თავმჯდომარე ამირან კაჭახიძემ თანამდებობაზე მისვლისთანავე მოიტანა ნოვაციები, რომელთაგან ერთი ჩემპიონატის სამეორეწერო თამაშებისთვის მსაჯების წინასწარ დანიშვნაა.

სხვა სიახლეებზე კი თავად კაჭახიძემ გვითხრა: „26 იანვრიდან ჩვენი მსაჯები საქართველოს ნაკრების ბაზაზე გადიან შეკრებას. იქ მიწვევულნი იყვნენ ვეტერანი მსაჯებიც და დამკვირვებლებიც.“

გარდა ამისა, მსაჯებს ვანახეთ ფიფადან გამოგზავნილი ვიდეომა-

სალა, რომლის საშუალებითაც დააკვირდებიან, როგორ იქცევიან მსაჯები სხვადასხვა ეპიზოდებში, საეჭვო თამაშების, პენალტის ან ჯარიმის დროს. ფედერაციამ შეგვიძინა ვიდეოპლერი და მისხალ-მისხალ ვიზილავთ დეტალებს — წესებშიც გარკვეულ ცვლილებებს.

ხვალდან მოვიწვევთ ქართული კლუბების წარმომადგენლებს და მათ დაწვრილებით ავუხსნი, რა ეპიზოდში როგორ უნდა მოქცეს მსაჯი. ეს იმიტომ, რომ მერე აღარ იყოს ხმადაღალი პრეტენზიები და გაუთავებელი შფოთი.“

ლუკა თალაგაძე

ალადაშვილმა პატარა დინამოში იბიტილა

გაცოდინებათ, კიევის „დინამო“ და ოთარ მარცვალაძე ისრაელურ შეკრებაზე არიან, სადაც პრესტიჟულ ოთხთა ტურნირზეც ითამაშებენ მოსკოვის „სპარტაკთან“, ცეცხასთან და ღონეცის „მახტართან“ ერთად. ალბათ, სწორედ ამ მატჩების მერე გაირკვევა მარცვალაძის კიევიური მომავალი, თუმცა, კაცმა რომ თქვას, მის გადინამოვლებას ბევრიც არაფერი უკლია.



ამ ტურნირის ერთ-ერთ ჯგუფურ მატჩში ქართველმა გოლიც შეაგლო.

გარდა ამისა, ანატოლი დემიანენკოს გუნდში მოხვედრის შანსი ამჟამად კიევის „დინამო 2-ში“ მყოფ ფეხბურთელებსაც აქვთ — მათ შორის, კახა ალადაშვილსაც. ეს თავად კლუბის პრეზიდენტმა, ივორ სურკისმაც თქვა.

გუშინწინ „დინამო 2“-მა მეორე რაუნდის ტურნირი მოიგო და ფინალში „დინამო 3“ 5:1 დაამარცხა.

ალადაშვილმა ფინალში მარჯვენა მცველად ითამაშა და 88-ე წუთზე შეცვალეს.

დუბლებიდან მთავარ „დინამომდე“ მანცლამანც რომ დიდი გზა არაა გასავლელი, იქიდანაც ჩანს, რომ ალადაშვილის გვერდით სხვა ცნობილი ფეხბურთელებიც თამაშობდნენ — ალიევი, ჩენსაუსკისი და დმიტრულინი...

ილია ნანობაშვილი

პირველი პორტუგალიური

ახალგაზრდული ნაკრების სტატუსით პორტუგალიაში მყოფმა საქართველოს ჯაბუკთა გუნდმა გუშინწინ მორე დივიზიონის „ატლეტიკ ოუგვირენსე“ 3:1 დაამარცხა. ჩვენებიდან გოლები ამერელებმა — მირზა ბუალაგამ და ბესიკ ჩიმაკაძემ, ასევე ზესტაფონელმა გიორგი ვანურავამ გაიტანეს, ხოლო მასპინძლებმა ერთი ბურთი პენალტით გაქციეს.

ჯაბუკთა ნაკრებმა ასეთი შემადგენლობით ითამა-

შა: ალაიძე, მჭედლიშვილი (წულაძე 68), გვაძაბა (ელბაძე 46), ბენაშვილი, ხიდეშელი (ხუმარაშვილი 80), თომაშვილი, ბუალაგა (ძარია 55), ვანურავა, ჩირიკაშვილი (დაუშვილი 65), წინამძღვრიშვილი (ყიფიანი 70), ჩიმაკაძე.

ჟორჟიკაშვილის გუნდი პორტუგალიაში ხვალ მესამედ დივიზიონულ „ალკანენასაც“ ეთამაშება.

ლუკა თალაგაძე

მუსლინი ჭელიძეს: ევროპა შენთვის აღრეა

რა ხანია, 19 წლის გიორგი ჭელიძე მოსკოვის „ლოკომოტივის“ პირველ გუნდშია და გუნდს შეკრებაზეც ახლავს ესპანეთში, მაგრამ ლოკომოტიველთა სერბმა დამრიგებელმა სლავოლიუბ მუსლინიმა ჩვენებური ფორვარდი ევროფორნტს მიღმა დატოვა.

„ლოკომოტივი“ 15 და 23 თებე-

რვალს უეფას თასის მეთექვსმეტედინალში ესპანურ „სევილიას“ გაეჯიბრება და კლუბმაც უეფაში ახალი, 2006 წლის განაცხადი გაავანა, რომელშიც ქართველთაგან მხოლოდ მალხაზ ასათიანია. მუსლინიმა განაცხადში გუნდის სამი ახალი ფეხბურთელი შეიყვანა და ჭელიძისთვის, როგორც ჩანს, ნა-

დრევედ მიიჩნია ევროსარბიელზე თამაში.

გუშინ კი რკინიგზელებმა ნორვეგიულ „ლინთან“ ამხანაგურ მატჩში 1:1 ითამაშა და ჭელიძემ თავი გოლით გამოიჩინა — გიორგი შეცვლაზე შევიდა მეორე ტაიმში, ასათიანი კი ძირითადად იყო.

ლუკა თალაგაძე

ევგენი ლაშჩუკი ბოლნისელია

ბოლნისის „სიონს“ იალტაში დაუთბა, სატრანსფეროდ კი — დაუცხა. იალტაში გამოდარების შემდეგ ზეჩა ქასრაშვილის გუნდი ტესტ-მატჩებს ერთმანეთის მიჯრით ატარებს, ჯერ სიმფეროპოლის „იგრო-სერვისს“ 3:3, გუშინ კი კიშინიოვის „ნისტრუს“ 0:0 ეთამაშა.

დღეს „სიონი“ ღონეცის „მახტარ 2“-ს წაეამხანაგურება და ეს მატჩი იმითაცაა საინტერესო, რომ ქასრაშვილი 18 წლის საგარაუდო ახალწვეულს, ტა-

ნმალალ შემტევე დავით ძანძავას გამოცდის. ძანძავა აფხაზეთში მცხოვრები ლტოლვილის ოჯახიდანაა, ყირიმში გაზრდილია და ქართული კარგად არ იცის.

და კიდევ, „სკა მიკოლაევის“ ფორვარდ ევგენი ლაშჩუკთან „სიონმა“ წარმატებით მოილაპარაკა და ფეხბურთელმაც თავის კლუბს გათავისუფლების ფურცელი მოსთხოვა — „სიონი“ ლაშჩუკთან ექვსთვიან კონტრაქტს გააფორმებს.

ილია ნანობაშვილი

თქვენი ინტერვიუ

კლავს ტომპიოლერთან

მოგვმართეთ! ტელეფონი: 93 16 08; ელექტრონული ფოსტა: Starmail@Caucasus.net


თქვენთვის კარგად ნაცნობი ამ რუბრიკის მორიგი რესპონდენტი საქართველოს ნაკრების ახალი მწვრთნელი კლავს ტომპიოლერი იქნება.

კითხვები 5 თებერვლის ჩათვლით უნდა მოგვანდოთ და პერ კლავსთან ინტერვიუ არაუგვიანეს 12 თებერვლამდე გამოქვეყნდება.

იაქტიურეთ!



ბასა ზალაგზირიძე



მეზობლები ერთმანეთს თბილისში აპატიშობიან



არმენ მინასიანი: მზად ვართ, ბაქოში ვითამაშოთ



ფუად ასადოვი: მოსკოვიდან ბაიქცნენ და ბაქოში ჩამოვლენ?

ჩემი მეგობარია, გვარად სანაძე, წარმოშობით სამტრედიიდან, დაბადებული ბაქოში. ერთი წლის იყო, როცა მამამისი სამუშაოდ ყარაბაღში მიავლინეს და ისიც სტეპანაკერტში გაიზარდა, დედა სომეხი ჰყავს, ამჟამად კი მუდღესთან ერთად სანკტ პეტერბურგში ცხოვრობს. აი, ასეთი რთული და ჩახლართულია კავკასია... თუმცა ეს ამბავი რა მოსატანია იმასთან, რაც წინა პარასკევს ევრო 2008-ის შესარჩევი ეტაპის კენჭისყრისას შევიცარიულ მონტროში მოხდა...



სომხეთის ნაკრები

„თვალეებს და ყურებს არ ვუჯერებდი, კინაღამ შოკში ჩავვარდი, ეს არ უნდა მომხდარიყო“ — გვითხრა აზერბაიჯანის ფეხბურთის ასოციაციის გენერალურმა მდივანმა ფუად ასადოვმა.

„განსაკუთრებული არაფერი ყოფილა, რეაქციაც ჩვეულებრივი იყო, ისეთი, როგორც კენჭისყრის შემდეგ აქვთ ხოლმე“ — ეს უკვე სომხეთის ფეხბურთის ფედერაციის გენერალური მდივანის არმენ მინასიანის სიტყვებია.

მთავარი სათქმელი აქვე მოკლედ ვთქვათ და მერე უკვე საქმეზე: პარასკევს შევიცარიულ მონტროში ევრო 2008-ის შესარჩევი ეტაპის კენჭისყრის შედეგად ერთმანეთს წაკიდებული ჩვენი მეზობლები, აზერბაიჯანი და სომხეთი A შესარჩევი ჯგუფში ერთად მოხვდნენ.

...გუმინ პირველად ერევანში დავერეკეთ. ფედერაციის პრესსამსახურში გვიპასუხეს, აღმასკომის სხდომა მიმდინარეობს.

მერე ბაქოში გადავრეკეთ. ასოციაციის პრესსამსახურშიც გვითხრეს, ახლა აღმასკომის სხდომა, ხელმძღვანელები დაკავებული არიან.

ამასობაში კი სომეხ და აზერბაიჯანელ მეგობარ კოლეგებსაც გავუხსურეთ, გვანტერესებდა, ურთიერთმეტოქეობაზე რა აზრის იყვნენ.

სომეხმა აშოტმა გვითხრა: ჩვენები მზად არიან, აზერბაიჯანელებს ნებისმიერ სტადიონზე შეხვდნენ, სომხეთი აზერბაიჯანის ნაკრებზე გაცილებით ძლიერია. ისე კი, სჯობს, ეს მატჩები საფრანგეთში ან გერმანიაში ჩატარდეს, ფედერაციაში ამ საკითხზე უკვე მუშაობენ.

აზერბაიჯანელმა ლატიფმა კი, ბაქოში და ერევანში მატჩების ჩატარება გამორიცხულია, თამაში ბაქოში თუ გაიმართა, შესაძლოა, სისხლი დაიღვაროს.

მოკლედ, ვიდრე აზერბაიჯანული და სომხური ფეხბურთის დი-

ლოხელებს დაუკავშირდებოდით, ბაქოში და ერევანში კენჭისყრის შემდგომ არსებულ სიტუაციაში გარკვევა კოლეგებთანაც ვცადეთ.

რა თქმა უნდა, ერთმანეთის მეტოქეობა მეზობლებს ძალიანაც კი არ ესიამოვნათ, მაგრამ ახლა სხვა რა გზა აქვთ, მოლაპარაკება უნდა დაიწყო და უნდა შეთანხმდნენ კიდეც საფეხბურთო სერბეთი და ხორვატია შერიგდნენ, ერთმანეთს აღარ გაურბიან... აგერ, საბერძნეთი და თურქეთი ათენსა და სტამბოლში თამაშობენ და... თუმცა, შთაბეჭდილება დავერჩა, სამეზობლოში ვითარება გაცილებით რთულადაა, ვიდრე ერთი შეხედვით ჩანს და ამაში ფუად ასადოვიც დავარწმუნებთ...

— ახლა უკვე ვერაფერს შეცვლი. რაც არის, ეგაა, ასეთია ჩვენი შესარჩევი ჯგუფი და უნდა ვითამაშოთ.

— დღეს აზერბაიჯანის ფეხბურთის ასოციაციის აღმასკომის სხდომა იყო, რა საკითხები განიხილეთ?

— სწორედ კენჭისყრის შედეგებზე ვილაპარაკეთ. აღმასკომმა ასოციაციას რეკომენდაცია მისცა, აზერბაიჯან-სომხეთის მატჩები ნეიტრალურ ქვეყანაში გამართოს. ერთ-ერთ ასეთ სავარაუდო ქვეყნად კი

საქართველო მიგვჩანია. ვფიქრობ, თბილისში თამაში სომხებისთვისაც მისაღები იქნება და ვიმედოვნებ, საქართველოს ფეხბურთის ფედერაციაც არ იქნება წინააღმდეგი. ჩვენ სომხეთს ნებისმიერ ქვეყანაში ვეთამაშებით, ოღონდ არა აზერბაიჯანში და სომხეთში. გერმანიაში და ჩინეთში თამაშს კი თბილისში შეხვედრა გვიჯობს.

— ბაქოში და ერევანში რატომ ვერ ითამაშებთ?

— იმიტომ, რომ ჩვენი ქვეყნები, ფაქტობრივად, საომარ მდგომარეობაში იმყოფებიან. მართალია, ყარაბაღში ახლა არ ისვრიან, მაგრამ თითქმის ყოველდღე იქ რამდენიმე აზერბაიჯანელი იღუპება და წარმოიშობებიან, ბაქოში რომ თამაში ჩატარდეს, სომხეთის ნაკრებს აზერბაიჯანელები როგორ დახვდებიან...

— მატჩების ნეიტრალურ მოედანზე ჩატარების საკითხი, ალბათ, ქვეყნის მთავრობასთან უკვე შეთანხმებული გაქვთ...

— დიახ, მთავრობამ ამის თაობაზე იცის, თუმცა საქმე მაინც ასოციაციის მოსავგარებელია და მალე უფუფასაც მივმართავთ.

— სომხებთან კონტაქტი არ გაქვთ?

— როგორ არა, მათ კენჭისყრის შემდეგაც შეხვდით. სომხებმა გვი-

თხრეს, რომ მათ შეუძლიათ ბაქოში ჩამოსვლა და თამაში, მაგრამ ისინი გულწრფელები არ არიან. სომხეთის „ბიუნიკი“ აზერბაიჯანის ჩემპიონ „ნეფთჩის“ მოსკოვში, ესენგეს ტურნირზე არ შეხვდა. მატჩი ჩამალეს და ახლა ისინი ბაქოში ჩამოვლენ?! ჩვენ ამის არ გვჯერა, თანაც უსაფრთხოების გარანტიასაც ვერ მივცემთ. ამიტომაც მატჩები ნეიტრალურ ქვეყანაში უნდა გაიმართოს.

აზერბაიჯანელზე გაცილებით დაბლომატიური და თავდაჭერილი გვეჩვენა არმენ მინასიანი, სომხეთის ფეხბურთის ფედერაციის გენმდივანი. ისიც, კოლეგის მსგავსად, აღმასკომის სხდომიდან ახალგათავისუფლებული იყო და როცა ვკითხეთ, აღმასკომზე აზერბაიჯანელებთან სამომავლო მატჩების თაობაზე ხომ არ გისაუბრიათო, ჩვენთვის საკვირველი პასუხი მივიღეთ, არა, ჩვენ სხვა, უფრო მნიშვნელოვანი საკითხებით ვართ დაკავებული. არადა, სომეხი კოლეგისგან ვიცოდით, რომ ფედერაციის აღმასკომში საგანგებოდ აზერბაიჯანთან მატჩებისთვის შეიკრიბა და ბარე ხუთი-ექვსი საათი გაგრძელდა. აღმასკომის სხდომის თაობაზე საუბრის გაგრძელებას კი აზრი აღარ ჰქონდა და



აზერბაიჯანის ნაკრები

ზოგადად სომხურ-აზერბაიჯანული თემით განვავრთეთ...

— რა თქმა უნდა, მეზობლებთან მეტოქეობა ძალიანაც არ გვესიამოვნა, ეს არასასურველი იყო. ჩვენს შორის ხომ კონფლიქტია და არ ვიცით, ამ მატჩებს ხალხი როგორ შეხვდება.

— სომხეთის ნაკრები მზად არის ბაქოში ჩასასვლელად?

— დიახ და, ასეთი წინადადებით ჩვენს მეზობელ კოლეგებს კენჭისყრის დამთავრებისთანავე მივმართეთ. მეტიც, ჩვენ მათ შევთავაზეთ, რომ პირველ მატჩს სომხეთი სტუმრად ითამაშებს, ერევანში კი მეორე წრის შეხვედრა გაიმართოს.

— აზერბაიჯანელთაგან რა პასუხი მიიღეთ?

— ჯერ არაფერი. ამ საკითხზე ალბათ ისინიც მუშაობენ.

— როგორ ფიქრობთ, ბაქოში და ერევანში მატჩები უკონფლიქტოდ ჩაივლის?

— როგორ ვითხრათ, ჩვენ უსაფრთხოების გარანტიები ვეჭვობდით.

— აზერბაიჯანელები რომ წინააღმდეგნი იყვნენ?

— მაშინ საქმეს უკვე უეფა მოავგარებს. ჩვენ კი მის გადაწყვეტილებას დავუთანხმებით.

— ბაქოში და ერევანში თუ არა, რომელ ქვეყანაში ვიჯობთ აზერბაიჯანელებთან თამაში?

— საფრანგეთში, ანაც გერმანიაში, ესეც უეფას გადასაწყვეტია. გამორიცხული არ არის, თბილისშიც ვითამაშოთ, საქართველო ჩვენი კარგი მეზობელია და სიამოვნებით ჩამოვალთ.

— თქვენი ჯგუფის კალენდარზე როდის უნდა მოილაპარაკოთ?

— 10 თებერვალს ბრიუსელში შევიკრიბებით.

— კალენდრის თქვენული ვარიანტი უკვე შედგენილი გაქვთ?

— რა თქმა უნდა.

— აზერბაიჯანთან მატჩები როდისთვის გსურთ?


— ეს უკვე საიდუმლოა.

ერთ დეტალს თუ მიაქციეთ ყურადღება — არმენ მინასიანს დაახლოებით ხუთი წუთი ვესაუბრეთ და მას არც ერთხელ უხსენებია „ბაქო“ და „აზერბაიჯანი“, მეტოქე ქვეყანას ის ოდენ „მეზობლად“ მოიხსენიებდა.

ასეთი ამბებია სომხეთსა და აზერბაიჯანში კენჭისყრის შემდეგ. ის ჩემი მეგობარი კი ამათ მატჩებს, სადაც უნდა გაიმართოს, ვერ ვააღიარებ.

კომა ინასარიძე

ჯონ ტრაპოლტა მიმინოს როლი



ავსტრალიის საფეხბურთო ნაკრების თვითმფრინავი რომ აფრინდება და გეზს გერმანიისკენ დაიჭერს, რათა იქ მსოფლიოს ჩემპიონატში ჩაებას, იმ თვითმფრინავის საჭესთან ჯონ ტრაპოლტა იჯდება. პოლიეუდელი კინოვარსკვლავი არა მხოლოდ დიპლომატიური პილოტია, არამედ „სოკურუთა“ მთავარი სპონსორის, „ქანტასის“ ელჩიც და ავსტრალიელთაგან ურუგვაელთა ძლევის შემდგომი ზეიმის სულისჩამდგმელიც.

ტრაპოლტა ბევრჯერ უნახავთ ოზთა სანაკრებო მისურაში და ახლა საბოლოოდ მოულაპარაკია იქაურ ფედერაციასთან, რომ არა მხოლოდ პილოტად იყოს, გუნდის საწვრთნელ ბანაკშიც იტრიალოს.



უვედურნი სუფრას აკადემიაა პრიკსონმა ჰიდინკს ინგლისი მიუჭახუნა



სვენ გორან პრიკსონმა აი, საიდან წამოვიდა — შვედი და დაიფიცა, რომ მის ადგილს გუს ჰიდინკი დაიკავებს. ეს ამბავი კი, კოლომის ერთია რესტორანში. მა-

თვან ქართველი არც ერთი არაა და ჭიჭის ჭახა-ჭუხი არ ყოფილა, ერიკსონმა ჰიდინკს ინგლისის ნაკრებში მუშაობა ურჩია.

ნარესტორნალ შვედს ჰკითხეს, რაზე ისაუბრეთო, მან კი მიუგო — გემუდარებით, ფეხბურთზე ლაპარაკი არ მინდა, აქ მხოლოდ ვისკის დასალევად შემოვიარეო. მაგრამ, როცა უურნაღისტებმა შეაწუხეს, ერიკსონი „დანებდა“ და თქვა: „ჩემ შემდეგ ნაკრებს გუს ჰიდინკი ჩაიბარებს და მისთვის გზა დამილოცია“.

სვენ გორან პრიკსონი ორიოდ დღის წინ სპორტში შეტანილი წვლილისთვის შვედეთის მეფე კარლ გუსტავმა დააფასა და დააჯილდოვა.

ჯილდოთი გახარებულს, შეიძლება, ახალი პრობლემა დაეწიოს, რადგან ინგლისის ფეხბურთის ასოციაციის დაუკითხავად თავის შემცვლელზე ილაქლაქა. თუმცა ერიკსონის საქმე უკვე გადაწყვეტილია — მსოფლიოს 2006 წლის ჩემპიონატის შემდეგ ინგლისის ნაკრებიდან აიბარება.

ხოლო 59 წლის გუს ჰიდინკი ავსტრალიელთა ეროვნულ გუნდს ჩაუძღვება გერმანიაში. იმავდროულად, იგი ასე-ს მწვრთნელიცაა და, როგორც მისი აგენტი ამტკიცებს, პოლანდიელი მწვრთნელი ინგლისის ნაკრებში მუშაობას არ აპირებს.

ავენტმა კი თქვა, მაგრამ რესტორნიდან სხვა ამბავი გამოვიდა.

გაშა ხუციშვილი

ბოსნიელი ბესლიას რეკორდი

ვლადიმირ რომანოვის ფულით წელგამართული, შოტლანდიის ჩემპიონობის მსურველი „პართის“ ოთხი ფეხბურთელით გაძლიერდა. ედინბურგულ კლუბს „სელტიკთან“ და „რეინჯერსთან“ გატოლება სურს, საამისოდ კი რომანოვი თანხას არ იშურებს.

პართსელებმა უკვე „მოაყუჩეს“ პორტუგალიელი მცველი ჟოზე გონსალესი, რომელიც „თუნში“ თამაშობდა და 21-წლამდელობა ნაკრების წევრია. გონსალესი შოტლანდიურ კლუბთან სავარაუდოდ სამწლიან-ხევრიან კონტრაქტს გააფორმებს.

„პართის“ მეორე შენაძენი მირსად ბესლიაა. ბოსნიელი ნახევარმცველი ედინბურგელებმა „გენკიდან“ გადაიყვანეს. 26 წლის ბესლიას სანაცვლოდ სქოთებმა მილიონ 500 ათასი დოლარი გადაიხადეს, რაც კლუბის ტრანსფერებში სარეკორდო ფასია.

მესამე ფეხბურთელი იუჰო მაკულაა, რომელმაც ფინურ „ჰიკიმი“ 41 მატჩში 33 გოლი გაიტანა და ედინბურგული გუნდის მწვრთნელი გრემ რიქსიც ამით მოიხიბლა.

გუმინ კი შოტლანდიურმა კლუბმა კიდევ ერთ მოთამაშე, სლოვაკი მცველი მარტინ პეტსში დაიმატა. პეტსში პრადის „სპარტამ“ „პართის“ სეზონის ბოლომდე ათხოვა.

გაშა ხუციშვილი

გაშა ხუციშვილი



ფეხბურთელები ბასრეს

ბანესტარის ბანკის ორმა მუშაკმა, 26 წლის პოლ შერვულმა და 20 წლის პოლ ჰენლიმ ერთი თაღლითობა ჩაიდინეს: მათ „მანჩესტერ სიტის“ სკამი ყოფილი ფეხბურთელის, ჯამილ ბელმადის, დანიელ ვან ბუიტენის და ვინსენტე ვუოსოს ანგარიშებიდან გვარიანი თანხა, 350 ათასი გირვანქა მოხსნეს.

ჩაუქმა კლერკებმა შეიტყვეს, რომ ეს ფეხბურთელები ინგლისში აღარ არიან და მათ ანგარიშებს ხვრა დაუწყეს. 2002-05 წლებში მათ გვარიანად დააზარალებს ეს ანგარიშები, თუმცა, ფეხბურთელებს ბეჭი არაფერი შეუძნევათ.

კლერკებმა ორი სხვა კაციც ჩაითრიეს საქმეში, რომელთა ანგარიშებიც მოპარული ფულის შესანახად სჭირდებოდათ. ისინი ამ ფულით თამაშობდნენ ტოტალიზატორებსა და ბირჟაზე, იყიდეს სახლები, ისვენებდნენ სამხრეთ ამერიკაში და ა.შ. შარშან ამ დროს ბანკმა დარღვევები შეამჩნია და კლერკები სამსახურიდან დაითხოვა.

ახლა ჯეილებს ციხე ელით: მეთაურ შერვულს 32 თვე, ჰენლის კი წელიწადი. სხვა ორი კაცი იძულებით 200-სათიან შრომას გასწევს.

ირაკლი ბაგჩრელიძე



დანიელ ვან ბუიტენმა ბლომად ფული ისე დაკარგა, ვერაფერი გაიგო

ამხანაგური მატჩები

საუდის არაბეთი 1:2 ლიგანი

აშუ 5:0 ნორვეგია

ბაჰრეინი 1:1 სირია

კორეა 2:0 სორვატია

ჰონკონგი 0:3 დანია

აფრიკის ეროვნებათა თასი 2006

D ჯგუფი. III ტურში

ბანა 1:2 ზიმბაბვე	ნიგერია 2:1 სენეგალი
0:1 შიმბა (60), 0:2 მვარუვარი (68), 1:2 ადამუ (90)	0:1 ს. კამარა (59), 1:1 მარტინსი (79, 88)
ბანა: აჯეი, მანცილი, გ. ისა, ჯ. მე-ნსა, პაპოე, ედუსეი, იაკუბუ (პაპაზა 56), აპია, პამინუ (ატრამი 65), ტაგოე (ადამუ 46), ფრიმონგი	ნიგერია: ენიემა, ოდია, იობო, ენა-კარსირე, ტაიფუ, აიილა, ობი, ობო-დო (ლაგალი 57), უტაკა (ობინია 77), მარტინსი, ს. მაკინვა (ნ. კანუ 52)
ზიმბაბვე: კაპინი, დინია, მაკონსუ, მატოლა, შიმბე, ნიანდორი, ნენგომპა, ლუპალა, ნდლოფუ (კასინაუი 51), მუ-შანგატიფე (კაონდერა 86), მვარუვარი	სენეგალი: ტ. სილვა, კოლი (დიასატე 68), ლ. დიატა, ს. დიავრა, ო. დაფი, აბდი ფეფე ბარი (ს. კამარა 44), მ. ბ. დიოპ, ა. კამარა, დოფი, დ. კამარა (აბდულაფე ფეფე 79)
გაფრთხილება: კასინაუი 14 000 მაყურებელი	გაფრთხილება: ენაკარსირე, დ. კამარა, დაფი 7 000 მაყურებელი

საბოლოო ცხრილი

ნიგერია	3	3	0	0	5:1	9
სენეგალი	3	1	0	2	3:3	3
განა	3	1	0	2	2:3	3
ზიმბაბვე	3	1	0	2	2:5	3

მეოთხედფინალი: 3-4 თებერვალი

ეგვიპტა — კონგო დრ
გინეა — სენეგალი

კამერუნი — კოტ დივუარი
ნიგერია — ტუნისი

სენსაციები ბერძნულ-რომაულ ფაგორიტებზე ვეროპის გზა ბაიბრულს

ბერძნულ-რომაული სტილით მოჭიდებულ საქართველოს ჩემპიონატი ოთხი წონით და გვარიანი სენსაციებით დაიწყო. დარბაზი დილის შეხვედრებიდან მეოთხე ფინალამდე ლამის პირთამდე გადაჭედული იყო. რამდენჯერმე დაძაბულობამ პიკსაც მიაღწია. ერთხელ კი საქმე ხელჩართულ ბრძოლამდეც მივიდა. ინციდენტი 66 კილოგრამში, ნახევარფინალური შეხვედრის დასრულების შემდეგ მოხდა. ლაშა ლომიძისა და მარად სურმანიძის მხარდამჭერები მალევე გააშველეს. ფინალის საგზური ბეგრისთვის მოულოდნელად ახალგაზრდებს შორის საქართველოს ჩემპიონმა სურმანიძემ გაიანდა. არადა, მეოთხე-დღინალების შემდეგ ლომიძის საქმიონი შანსებს ყველაზე რეალურად აფასებდნენ. ახალგაზრდებს შორის ევროპის ჩემპიონი ლომიძე ფინალში რომ ვერ გავიდა, ისე გაცხარდა, ბრინჯაომდე დარჩენილი ორი მეტოქე სულ ჰერში ატრიალა.

მოულოდნელი იყო გამოცდილი შმაგი გოქაძის ნახევარფინალური მარცხიც. მას თბილისელმა ალექსანდრე ბადაგაძემ აჯობა, მოგვიანებით კი ჩემპიონიც გახდა. ფინალური სურმანიძის ტრაგედიის გამო ვადაზე ადრე შეწყდა. მანამდე გოქაძემ გაიანდა ბრინჯაო.

ევროპის ჩემპიონი ირაკლი ჭოჭუა (55 კგ) ფინალამდე მივიდა, თუმც ოქროს შეხვედრა 19 წლის ბორჯომელ რევაზ ლაშთან წაავო. ეს ბრძოლა გუშინ ერთ-ერთი ულამაზესი გამოდგა.

84 კილოგრამის შეხვედრებმა საქართველოს ნაკრების ორი უმთავრესი კანდიდატი, ბადრი ხასაიასა და მუხრან ვახტანგაძის გარეშე ჩაიარა. ხასაიას ტრაგემა აქვს. მძიმე ოპერაციაც გადაიტანა და საერთაშორისო ხალიჩას სავარაუდოდ ევროპის ჩემპიონატის შემდეგ დაუბრუნდება, ვახტანგაძე კი შედარებით ადრე და იქნებ აპრილის ბოლოს მოსკოვში წამსვლელ შვი-

დულში მოსახვედრად იბრძოლოს.

გუშინ საამისო სერიოზული განაცხადი თბილისელმა შალვა ვადაბაძემ გააკეთა. მსოფლიოს უნივერსიადის ჩემპიონმა ფინალში ჭაბუკთა შორის ევროპის ჩემპიონ აკაკი ჯოხაძეს სძლია. ბრინჯაოს მედლები სენაკელმა დავით ლატარიამ და აჭარის სახელით მოჭიდავე პაატა ზაქარაძემ მოიპოვეს.

ფინალს მიღმა დარჩა და საბოლოოდ შესამე ადგილს დასჯერდა გამოცდილი მძიმეწონისანი მირიან გიორგაძე. მას ნახევარფინალში ახალგაზრდა ოზურგეთელმა რევაზ ჭელიძემ მოუგო, თუმც ჩემპიონი ვერც ეს გახდა. დღის დამაკვირვებელი შეხვედრა თბილისელი გიორგი ჯობავას გამარჯვებით და ჩემპიონობით დასრულდა.

დღეს 60, 74 და 96 კილოგრამიანები ჭიდაობენ.

ოთარ გალდაკელიძე



ბერძნულ-რომაული ქილაობა. საქართველოს ჩემპიონატი ვერის ბაღი. 1-2 თებერვალი

55 კგ		84 კგ	
1 რევაზ ლაშვი (ბორჯომი)	2 ირაკლი ჭოჭუა (თბილისი)	1 შალვა ვადაბაძე (თბილისი)	2 აკაკი ჯოხაძე (გარდაბანი)
2 ირაკლი ჭოჭუა (თბილისი)	3 ლაშა გოგიაძე (ქუთაისი)	3 დავით ლატარია (სენაკი)	3 პაატა ზაქარაძე (აჭარა)
3 ლაშა გოგიაძე (ქუთაისი)	3 გიორგი გვენეტაძე (აჭარა)		
66 კგ		+120 კგ	
1 ალექსანდრე ბადაგაძე (თბილისი)	2 მარად სურმანიძე (აჭარა)	1 გიორგი ჯობავა (თბილისი)	2 რევაზ ჭელიძე (ოზურგეთი)
2 მარად სურმანიძე (აჭარა)	3 ლაშა ლომიძე (ოზურგეთი)	3 მირიან გიორგაძე (თბილისი)	3 გიორგი ნაცარაშვილი (თბილისი)
3 ლაშა ლომიძე (ოზურგეთი)	3 შმაგი გოქაძე (ქუთაისი)		

877 33-ის ზინ მსოფლიოს თასი მსოფლიოს უაპოიკრებს

გუშინ ვერაზე მდებარე სასტუმრო „ვარაზში“ „სპორტის სასახლეში“ გასამართლი „მსოფლიოს თასისწინა“ პირველი პრესკონფერენცია მოეწყო. ძიუდოს ფედერაციის და ეროვნული ნაკრების ხელმძღვანელებმა მასმედიასთან შესახვედრად თან ნაკრების პირველი ნომრებიც

იახლეს და მომავალ ტურნირზე დაწვრილებით ისაუბრეს. იქამდე კი ერთი საქმიანი ხელშეკრულებაც გააფორმეს. გუშინდელი დღიდან ფედერაციის სპონსორთა რიცხვს კომპანია „ჯეოსელიც“ შეემატა. კონტრაქტს მხარეებმა დარბაზშივე მოაწერეს ხელი

საქმიანი ხელშეკრულების გაფორმებისთანავე წმინდა სპორტული პრესკონფერენცია დაიწყო. აქ პირველი სიტყვა ფედერაციის პრეზიდენტისა იყო.

„თბილისის საერთაშორისო ტურნირი ამ შაბათ-კვირას 33-ედ გამართება და მსოფლიოს უძლიერეს ძიუდოსტებს მოუყრის თავს — გვითხრა დილარ ხაბულიანმა —

თითქმის ყველა წამყვანი ქვეყანა ჩამოდიხ. რუსეთსა და საფრანგეთს სულაც ორ-ორი შემადგენლობა მოჰყავთ. ძლიერი გუნდით უკვე გვეწყვიტენ იაპონელები. კუბელებსაც საუკეთესოები მოჰყავთ. ამ მომენტისთვის ოფიციალური განცხადებები თხუთმეტი ქვეყნიდან გვაქვს მიღებული. ხვალამდე, ალბათ, კიდევ ხუთიც დაემატება.“

გია ნაცვლიშვილმა პერსონალურად მოწვეული სპორტსმენები ახსენა. ირანელი მსოფლიოს ჩემპიონი არამ მირეზმაილი (73 კგ), სომეხი ევროპის ჩემპიონი არმენ ნახარიანი (60 კგ) და აზერბაიჯანელი ევროპის ჩემპიონი ელჩინ ისმაილოვი (66 კგ) თბილისში დღეებზე ჩამოვლენ და ტურნირზე აუცილებლად იჭიდავებენ. ბრაზილიელ მსოფლიოს ჩემპიონ ჟოაო დერლი ჟუნიორს (66 კგ) კი ჩამოსვლასა და ტატამზე გასვლაზე ნაცვლიშვილისთვის თანხმობა პირადად უთქვამს, სატელეფონო საუბრისას, თუმცა ბოლო დღეებში ტელეფონი საერთოდ გაუთიშავს და ზუსტად არავინ იცის, ჩამოვა თუ არა.

რუსებს განცხადებაში პრეზიდენტ ვლადიმერ პუტინის უსაყვარლესი სპორტსმენი, ოლიმპიური პრიზიორი დიმიტრი ნოსოვიც (81 კგ) შეუყვანიათ და პერსპექტიული ქართველი ერეკლე კოპალიანიც. გია ნაცვლიშვილმა ახალგაზრდებს შორის ევროპის ჩემპიონის კლუბ „საგარეჯოში“ გადმოყვანის სურვილი ერთხელაც გამოთქვა და გვითხრა — კოპალიანის საკითხზე ჯერ კიდევ ვმუშაობთო.

სულ „სპორტის სასახლეში“ უცხოეთის სახელით მოჭიდავე 6-7 ქართველი მოიყრის თავს. მათგან ყველაზე გამოცდილი ჯარჯი ზვიდაურიცაა. ოლიმპიური ჩემპიონი 90 კილოგრამში იჭიდავებს.

ვიცეპრეზიდენტმა „სპორტის სასახლის“ დარბაზსა და გასახლეუ-

ბში ბოლო პერიოდში ჩატარებულ სამუშაოებზეც თქვა და მერიის დახმარებაც ახსენა. 33-ე ტურნირი წინამორბედებზე უკეთ განათებულიც იქნება და თბილისი. დარბაზში ტემპერატურა 20-22 გრადუსს მიაღწევს.

თბილისში ჯერ არ ჩამოსულა ევროპის ფედერაციის მიერ დამტკიცებული უახლესი ტატამები და ტაბლო. ისინი საფრანგეთიდან გასულ კვირაში წამოიღეს, მაგრამ სარეზინო განკარგული. უამინდობის გამო ავტომობილების მოძრაობის შეფერხებას თურქეთის სახლვართან დაახლოებით 10-კილომეტრიანი რიგი დაუყენებია და ტატამ-ტაბლოთი დატვირთული მანქანაც იქაა გაცხედილი. იმედია, 2-3 დღეში ეს პრობლემაც მოგვარდება — დასძინა ნაცვლიშვილმა. სატურნიროდ თბილისშივე დაუმზადებიათ ლამაზი კვარცხლბეკიც. მასზე ჩემპიონის ასვლისთანავე ოქროსფერი შუქით ერთიანი აინთება. ვერცხლის მედალოსანზე — 2, ბრინჯაოსანზე — 3.

შაბათს შეხვედრები დილის ათი საათიდან დაიწყება. ტურნირის ოფიციალური გახსნა კი — ხუთზე. მასში მონაწილეობას ანსამბლები „რუსთავი“ და „ორბი“ და მერაბ სეფაშვილი მიიღებენ. იქვე შედგება წინა 32 ტურნირის ლამაზი მომენტებით შექმნილი კლიპის პრემიერაც. ბილეთი ერთი ლარი ეღირება. რამდენიმე ათასი კი ჯარისკაცებს, სპორტსკოლებსა და პოლიციელებს უფასოდ დაურიგდებათ.

პრესკონფერენციის ბოლოს ნაკრების მთავარმა მწვრთნელმა შოთა ხაბარელმა ტურნირის დასრულების შემდეგ გასამართ ერთობლივ ვარჯიშებზე ისაუბრა. მასში მონაწილეობას ქართველ ძიუდოისტებთან ერთად იაპონელები, აზერბაიჯანელები, ბერძნები, ლიტველები და უზბეკები მიიღებენ. დაახლოებით 70-კაციანი ჯგუფი ბორჯომში ორშაბათს გაემგზავრება და იქ რამდენიმე დღე დარჩება.

ოთარ გალდაკელიძე



მურაბ დოულენავაშვილის ფოტო

handball euro 06 26 jan - 5 feb

ევროპის VII ჩემპიონატი

გაყვავი. უკრაინის. 26 იანვარი - 5 თებერვალი



ნიკოლა კარაბატიშვილი სლოვენელებს ხუთჯერ გაუტანა

AFP-ს ფოტო

ჩემპიონატი ჩემპიონს კარგავს

უხადეროდ დაიწყო მეორე ევროპური ეტაპი სლოვენელებმა და რუსმა ხელბურთელებმა...

სამეა. მეორე პოზიციას (32) კი ყოფილი ბელარუსი სერგეი რუტენკო ინარჩუნებს...

თავიდან სლავეები დაწინაურდნენ ვეტერან ელუარდ კოვჩაროვის ორი ზუსტი ტყორცებით და ათი წუთი...

უკიდურესად დაძაბულ-დრამატული გამოდგა მსოფლიოს ექსტრემიზმი...

გაისიკანდილებულმა მეკარე როლანდ ერამემ ექვსი წუთი დაჰყო მოედანზე და შვიდიდან მხოლოდ ერთი ტყორცის მოგვრება შეძლო...

ასევე მინიმალური სხვაობით დასრულდა სერბეთ-ნორვეგიის მატჩიც...

გერმანია 36:22 უკრაინა საფრანგეთი 34:30 სლოვენია ესპანეთი 34:25 პოლონეთი

ოსტრია 34:32 რუსეთი სარბეთი 26:25 ნორვეგია სორვატია 31:30 დანია

Table with 5 columns: Country, W, L, D, Goals, Points. Shows statistics for the first round.

Table with 5 columns: Country, W, L, D, Goals, Points. Shows statistics for the second round.

ჰინგისის ნულები

ATP დელრამი ბიჩი. აპ. კარლი. საპრიზო 380 000 დოლარი

პირველი წრე რამონ დელგადო (პარაგვაი) - ბობი რენოლდსი (აშშ) - 4:6 6:1 6:4...

PBZ ZAGREB. ATP ზაგრები. სორვატია. კარლი. საპრიზო 302 000 ევრო

პირველი წრე მარინო პანინი (სორვატია, 5) - დიმიტრი ტურსუნოვი (რუსეთი) - 6:3 4:6 6:4...

MOVISTAR OPEN. ATP ვინა დელ გარი. ჩილე. თიხნარი. საპრიზო 380 000 დოლარი


პირველი წრე ფერნანდო მონსალესი (ჩილე, 2) - ვასილის მხარავისი (საბერძნეთი) - 6:1 6:2...

PACIFIC OPEN. WTA ტოკიო. იაპონია. საპრიზო 1 340 000 დოლარი

პირველი წრე სამანტა სტუსური (ავსტრალია) - აიკო ნაკამურა (იაპონია) - 6:1 6:3...

მეორე წრე ელენა დემენტიევა (რუსეთი, 2) - კატარინა სრებოტნიცი (სლოვენია) - 2:6 6:1 7:5...

ტოკიოს ტურნირი ნულ-ნულა ხურდება. ჩოგბურთელებმა უკვე პირველი მეოთხედფინალური წყვილი დააკომპლექტეს...



მან, ამჯერად იაპონიის დელაქლაქში პირველივე შეხვედრაში დაანახა ყველას, რომ კორტს სულ უფრო უშინაურდება.

პირველი მეოთხედფინალური წყვილი კი ელენა დემენტიევამ და ნიკოლ კაილიშოვამ შეადგინეს.

ATP-ის ტურნირებიდან კი ჯერჯერობით ყველაზე საინტერესო დელრამი ბიჩში მიმდინარე ასპარეზობაა.

„დედს საერთოდ არაფერი გამოძლიოდა. ვერც დავებოდი, ვერც ვურტყამდი... ავსტრალიაშიც სულელურად გამოვგარდი და აგერ ეხლა პირველივე წრეში წაგვე...“

სამაგიეროდ, შემდეგ წრეში გავიდა ტომი ჰაასი, რომელიც სეზონის საწყის ეტაპზე ძალიან კარგად გამოიყურება და მეტბურნოშიც მშვენივრად ითამაშა.

კაას ლომავშილი

ლიბი ლენტონი: 53.42

ავსტრალიელმა ლიბი ტენტონმა მეტბურნოში თანამეგობრობის ქვეყანათა თამაშებში 100 მეტრი თავისუფალი სტილით 53,42 წამში გაცურა და მსოფლიოს ახალი რეკორდი გამოაცხო.



საქართველო VS რუსეთი

4 თებერვალი. თბილისი. პროფესიონალი სტადიონი. 15 საათი



გუშინ საქართველოს ნაკრებმა პირველად ივარჯიშა სრული შემადგენლობით. საფრანგეთიდან ჩამოსვლა

დაუგვიანდათ ნაკრების კაპიტანს ექსანპროვანსელ ილო ზედგინიძეს და მის თანაკლუბელს, შერკინების ბურჯ გიორგი კუთარაშვილს. მათთან ერთად გამთენიისას ჩამოფრინდა „ანდორას“ მცველი ოთარ ბარკალაიაც.



სრულიად საქართველო სარუსეთოდ შეიკრიბა

ბორჯღალოსნებმა დღით კუს ტბის მიდამოებში ირბინეს, მერე წაიბურთავეს და სადამოს ვარჯიშამდე სასტუმრო „სიმპათიაში“ დაბრუნდნენ. სადამოს ვარჯიში უფრო დატვირთული და ხანგრძლივი იყო. მწვრთნელებმა ჯერ შეაზურეს ბიჭები, მერე დათოვლილ მოედანზე ბოჭკვებში ავარჯიშეს, რასაც ორმხრივი თამაში მოჰყვა. ამან დაახლოებით ერთი საათი წაიღო და როდესაც მორაგბეები თოვლში ამოივლანგლნენ, ცოტათი შეასვენეს. ამის შემდეგ უკანა ხაზი ცალკე გაიხმო ნაკრების ერთ-ერთმა მწვრთნელმა დავით ჩავლეიშვილმა, შერკინება კი პაატა ნარიმანაშვილმა დაიმართოხელა და კომბინაციები დაამუშავებინა. ჩვენებმა ბოლოს აუტებში ივარჯიშეს და წვრთნის დაწყებამდე საათნახევრის შემდეგ აუტობუსსაც მიაშურეს. გუშინ არ უვარჯიშია ბორჯღალოსანთა შუამარბ ირაკლი გიორგაძეს, ჩვენების მორკინალ აქვსენტი გიორგაძის უმცროს ძმას. იგი

სასტუმროში დარჩა. როგორც ნაკრების ექიმმა ბესო აბრამიშვილმა გვითხრა, უმცროს გიორგაძეს გრძობი აქვს მსუბუქ ფორმაში. დათოვლილ მოედანს და ყინვას იმიტომაც მოარიდეს. „საგანგაშო არაფერია, ირაკლი რუსეთთან მატჩის სრულიად ჯანმრთელი შეხვდება“ — გვითხრა აბრამიშვილმა.
ნავარჯიშებს ბორჯღალოსანთა მთავარ მწვრთნელ მალხაზ ჭიციშვილს გამოველაპარაკეთ:
— დღეს პირველად ივარჯიშეთ სრული შემადგენლობით. ბიჭები როგორ ფორმაში არიან?
— ერთი შეხედვით, კარგად არიან მომზადებულები — ფიზიკურად და ტექნიკურად. ეს ბუნებრივიცაა, სამი მორაგბის გარდა, ყველა ლეგიონერია და თავიანთ კლუ-



ბებში საფუძვლიანად ვარჯიშობენ. ტრავმაც არავის აწუხებს, თუმც უკეთესიც შეიძლებოდა ყოფილიყო. — რას გულისხმობთ? იმას ხომ არა, რომ რუსები ორი კვირით იყვნენ სამხრეთ აფრიკაში, თქვენ

სარუსეთოდ ივარჯიშე

დაცემები: გურჯი

- 15 ოთარ ბარკალაია
- 14 ირაკლი მანხანელი
- 13 მალხაზ ურჯუკაშვილი
- 12 ირაკლი გიორგაძე
- 11 ბესიკ ხამაშურიძე
- 10 პალიკო ჯიმშელაძე
- 9 ირაკლი აბუსერიძე
- 8 ბესიკ უდგისანი
- 7 რატი ურუშაძე
- 6 გია ლაბაძე
- 5 მამუკა გორგოძე
- 4 ილია ზედგინიძე (კაპ)
- 3 დავით ზერაქაშვილი
- 2 აქვსენტი გიორგაძე
- 1 გოდერძი შველიძე

მარაქაზა

- 16 გიორგი კუთარაშვილი
- 17 ავთო კოპალიანი
- 18 ლევან დათუნაშვილი
- 19 ზვიად მაისურაძე
- 20 ბიძინა სამხარაძე
- 21 თემურ სოხაძე
- 22 გიორგი შკინინი

კი სამი დღე გაქვთ მოსამზადებლად და ისიც გაყინულ მოედანზე? — დიახ, ოღონდ ვარჯიშების სიხშირეზე და პირობებზე იმდენად არ მწყდება გული, როგორც ბიჭების რაც შეიძლება მეტხანს ერთად ყოფნაზე. ესენი სამი დღე იქნებიან ერთად, რაც ძალიან ცუდია. ასეთ დროს ჭირს შეთამაშება და გუნდის შეკვრა.
— ეს ფაქტორი რუსებისთვის პლუსია?
— რა თქმა უნდა, ისინი მომზადებული და შეკრული გუნდით მოდიან.
— რომელი მორაგბის არყოფნაზე გწყდებათ გული?
— ილო მაისურაძეზე. საზარდული აწუხებს და მისი არყოფნა დიდი დანაკლისია.
— გუნდში სადღეისოდ ობტიმალური შემადგენლობაა?
— დიახ, საუკეთესოები შეკვრიბეთ.
ბაკო სვანიძე
ბადრი კეთილაძის ფოტოები



სარბიელი
საორბული გაზეთი
გამოიცვება 1990 წლის
28 დეკემბერიდან
გაგონის ორგანოს,
სამგაგონის, ოთხგაგონის,
ხუთგაგონის,
პარასკევის და შაბათს

გამომცემელი: შურაბ შოთხაშვილი
დირექტორი: ვიქტორი ოქროშვილი
მთავარი რედაქტორი: თამაზ მიხრიაშვილი
პასუხისმგებელი რედაქტორი: პანა ვალაშვილი
ტექნიკური რედაქტორი: მამუკა გუგუშვილი
ქართული ფეხბურთის რედაქტორი: დავით თავართქილაძე
კობა ინასარიძე, ილია ნანობაშვილი, გიორგი ნოზაძე
უცხოური ფეხბურთის რედაქტორი: რედაქტორი: პანა ხუციშვილი
უცხოური ფეხბურთის რედაქტორი: გიორგი ნანობაშვილი, ილია ბაბუნაშვილი

გორგი დარჯანიას ვარჯიშისთვის გიორგი კაკაბაძე, ლალო ხოშიერიკი ინფორმაციის რედაქტორი: ვაჟა ჯანაშია, ავთანდილ გურასაშვილი, ოთარ მალაქლიძე, ირაკლი პეტრია, ბაჩო სვანიძე
ფოტორეპორტიორები: გურამ დილენჯაშვილი, ბადრი კეთილაძე სტილისტები: ნათელა გიორგობაძი, ლალი ვოხაშვილი
კომპიუტერული ცენტრი: ლილა ბეგლაროვა, ლია ბესელია, ხათუნა ბუხუნიშვილი, თამაზ გოგებაშვილი, ფატი დვალისხელი, მავლა დოვრაშვილი, რუსუდან ერისთავი, ზვიად მოსიაშვილი, თამარ ქინქლაძე, ზურაბ წერეთელი

სარედაქციო სამსახური: 38-11-14, 877 54 55 00

რედაქციის მისამართი:
თბილისი, ალექსანდრე ყაზბეგის გამზირი 42, II კორპუსი, IV სართული.
საფოსტო მისამართი:
თბილისი — 79, საფოსტო ყუთი 208. ტელეფონი: 39 48 29
ელექტრონული ფოსტა: sarbieli@gol.ge
ელექტრონული ვებ-საიტი: http://www.sarbieli.com.ge